



Tusagassiorfinnut nalunaarut Pressemeddelelse

Iliuseqarfissaq – TB mik akiuniarneq

Nunarsuaq tamakkerlugu peqqinnissaq pillugu suliniaqatigiiffissup WHO-p ukiumoortumik TB-mut ulloritittagaanut marsip ulluisa 24-anni pisussamut atatillugu, nunat tamarmik TB akiorniarlugu iliuseqarnissaq qulakkiissavaat. TB suli nunarsuaq tamakkerlugu innuttaasut sisamararterutaasa 2017-imi TB-mik tunillatsissimanerisigut 10 millionillu TB-mik nappaateqalersimanerisigut, peqqissutsimut tunngatillugu unammilligassaavoq annertoq.

Nunatsinni TB suli atugaaqaaq. Ukiunili kingullerni atugaanerata appariartornera takuneqarsinnaavoq, 2018-imilu TB-mik nappaataat suussusersisat 49-uupput tassalu innuttaasut 100.000-iuppata 88-it TB-mik nappaateqartutut nalunaarutigineqarnerat. Nunarput taamaalilluni nappaateqalerfiunerpaanut killigitaasup ataanut inissippoq. Sulili nunatta ilaani agguaqatigiissitsinermit amerlanerusunik TB-mik nappaateqartoqarpoq.

Sakiilluut (TB) nappaataavoq tuniluuttoq tappiorannartunik bakterissanik *Mycobacterium Tuberculosis*-inik patsiseqartoq. TB amerlanernit sakiilluutitut ilisimaneqarpoq, timilli pisa-tai allat TB-mik nappaateqarfiulersinnaapput. Tappiorannartut kuseriarnernit isaannarmik takujuminaatsunit -quersornikkut tangajornikkullu siaruaanneqartunit- tuniluuttarmata, sa-kialluut kisimi tuniluuttuuvuq. TB-ip tappiorannartua ukiorpasuarni timimiissinnaasarpog kingornalu nappaammut akiuussinnaatsutsip sanngiillinerani utoqqalinermiluunniit nappaataalersinnaasarluni.

Sapaammi marsip ulluisa 24-anni nunarsuaq tamakkerlugu TB sammineqassaaq. Nunatsinnissaq TB-mik akiuniarneq pitsaaliuinerlu sammissavagut. Nunatsinni sumiiffinni assigiinngitsuni TB pillugu sullissisut, marsip ulluisa 24-anni tamatumalu missaani, TB pillugu ilisimasat annertusiniarlugit, pitsaaliuinermut atatillugu sammisaqassapput.

TB -ip oqaluttuassartaa pillugu saqqummersitsineq, suliniuteqarnermik annertuumik, nunatsinni 1950-ikkunniit 1980-ikkunniit ingerlanneqartumik ullumikkullu TB akiorniarlugu pitsaaliarlugulu iliuserisanik takutitsisoq, Nuummi ammarneqassaaq. Saqqummersitsineq Nuummi katersugaasivimmit (Nuutoqqamit) Nunatsinnilu Nakorsaaneqarfimmit suleqatigiissutaavoq. Saqqummersitsineq kingorna sinerissami katersugaasivinni assigiinngitsuni 13-imi takutinneqassaaq.

TB qanoq ililluni tunillaattarpa? Nappaammut ersiutit suuppat? Qaqugu nakorsiantariaqassaanga? Kalaallit Nunaanni illoqarfik suna 2018-imi TB-mik nappaateqarfiunerua? Taakku tassaapput apeqqutit innuttaasunit akissutissarsiviusinnaasut.

Nittartakkami www.tuberkulose.gl TB pillugu nalorsitsaarneqarsinnaavutit. Apeqqutit qulit pilertornerpaamik akisinnasariaqarput, killeqanngitsumik misiliisoqarsinnaavoq. Eqqortunik pilertornerpaamillu akissuteqartoq taamaalillunilu pointinnannerpaaq tunissummik pisisutissamik 500 koruuninik nalilimmik eqquissaaq.

Inussiarnersumik inuulluaqqusillunga
Nunatsinni Nakorsaaneqarfik

Ulloq/Brevdato: 17-03-2019
Suliap/Sags nr. 2016 - 3444
All./Dok. nr. 62

Postboks 120
3900 Nuuk
Tlf. (+299) 34 51 92
Fax (+299) 32 51 30
E-mail: nun@nanoq.gl
www.nanoq.gl